



Aqqalu C. Jerimiassen
Atassut

UKA 2021/35
27. oktober 2021

Innarluutilinnik sullisisutut atorfillit ilinniagaqarnissaat, ilinniaqqittarnissaat pikkorissartarnissaallu pillugu nuna tamakkerlugu periusissiornissamut iliuusissatallu pilersaarusiornermik Naalakkersuisut suliaqaqqullugit Inatsisartut aalajangiiffigisassaattut siunnersuut. Periusissiaq iliuusissatallu pilersaarut kingusinnerpaamik UKA2022 saqqummiunneqassaaq, iliuuserisassatallu siunniunneqartut qanoq nalilersorneqartarnissaat pillugu pilersaarummik amma imaqassalluni.

(Inatsisartunut ilaasortaq Sofia Geisler, Inuit Ataqatigiit)

Ilinniakkanik qaffasereersuniik aallartigata, naqqarpiaaniik assiliaq ilivitsoq isigalugu periusissiaqarnissamik aallarniuteqarta.

Siunnersuuteqartup oqariartuuta assortorneqarsinnaanngilaq, ullumikkummi perorsaasunik isumaginninnermullu siunnersortinik qaffasinnerusumik ilinniaqqissimasunik annertuumik amingaateqarnerput annertoqimmat.

Ulloq unnuarlu najugaqarfingineqartut ataatsimut isigissagaanni, ajoraluartumik ilinniangaqassutsikkut qaffasissuseq annertuumik aaqqiivigineqartariaqartoq pisarsiaqartoq naluneqanngesaaq, isumaginninnermulli ilinniarsimasut kisiisattaq piinnarnagit aamma peqqissaasutut ilinniagaqartut, inuit innarluutillit utoqqaallu iisartagalersorneqarnerinut ulluinnarnilu paaqqutarineqarnissaannut sullisisinnaasuttaaq annertuumik amingaataapput.

Nammineq misilitakkat qivialaariaraanni, Avannaata Kommuniani qinikkatut sulinermi inuit innarluutillit najugaqarfiat Sungiusrifik Ikinngut pulaernerani pisortaata nassuaanerani erseqqissivoq, Perorsaanermik ilinniarfimmi naammasserlaanik tiguserusuttaraluarlutik annikippallaamik inunnut innarluutilinnut tunngasunik misilitagaqartinneqartarneri peqqutaatillugit aporfekartarsimallutik atorfinitstsiniarnermi.

Periusissiakkullu erseqqissukkut tamakku tamarmik qulaajarneqarsinnaanerat siunissaq ungasinnerusoq isigalugu aaqqiisusiorqarnera pisariaqarluinnarpoq.

Taamaattumillu siunnersuut assut tapersernarpoq.

Assiliaq ilivitsunngorlugu isigineqartariaqarpoq, perorsaasut, isumaginninnermut siunnersortit peqqissaasullu pitsaanerusumik periarfissaqartinneqalernissaat, sammivinnullu siammasinnerusunut sammitinneqarnissai aqqutissiorqarpagut.

Atassummiit taamatut oqaaseqarluta, siunnersuut taperserlugu Isumaginninnermut ataatsimiitsitaliamut innersuupparput